



Il maior Christoph Walter ha dirigiü il concert dalla Compagnia Rossini ensemble culla Swiss Army Concert Band e ils Swiss Army Stringers.



Tier il tribut al musicist legendar Ray Charles han ils saxofonists brigliau.

FOTOS G. VENZIN

Musica dall'armada per Guglielm Tell

900 personas han visitau igl emprem concert da La Compagnia Rossini e la musica dall'armada

■ (gv) Cun «La festa» ord l'opera **Guglielm Tell** da **Gioacchino Rossini** ha la fiasta entschiet il venderdis sera ella halla da tennis a Mustér da dretg. L'entschatta dalla retscha da concerts da La Compagnia Rossini cun Swiss Army Concert Band e Swiss Army Strings ei gartegiada, varga 900 personas han visitau il concert ch'ei in dils puncts culminants ella scena culturala dil Grischun da quest unviern. La cumbinaziun da Rossini, Verdi e Beethoven cun James Last e Ray Charles ha plaschiu agl auditori. Quei ha quel en scadin cass fatg da saver cul grond applaus. La sonda e la dumengia ei il medem concert vegnius daus a Scuol ed a Puntraschna. Questa sera ei la presentaziun a Cuera el Titthof e la proxima fin d'jamna suondan concerts el Center da congress a Tavau, el Forum im Ried a Landquart ed a Cazas ella Arena.

In maior alla bitgetta

Culla musica Swiss Army Concert Band

ed igl orchester Swiss Army Strings han Armin Caduff e La Compagnia Rossini giu partenaris da num e pum. Ils musicists dallas duas formaziuns dominontas ella scena da musica militara ein musicists da professiun. Il maior *Christoph Walter* ha dirigiü il concert ed Armin Caduff lauda siu partenari buca mo pervia da sias habilitads professiunalas: «Igl ei stau bellezza da luvrar ensem cun el, tut ei stau nuncumplicau.»

Dallas habilitads musicalas dalla musica ed orchester dall'armada ha igl auditori savii seperschuader l'emprema gada tier igl arranschament dalla melodia «Morgens um Sieben ist die Welt noch in Ordnung» da James Last ed autras melodias «evergreen». Suenther pausa ha Christoph Walter aunc dirigiü il marsch grischun cumponius da Heinrich Steinbeck. Classic, Big Band e marsch, tier igl applaus ha igl auditori strusch fatg ina differenza. Sulettamein suenter il tribut al musicist legendar Ray Charles ha enqual applaudiu empau pli fetg. Tier quei



Flurin Caduff ei sin buna via da daventar il niev maestro dalla Compagnia Rossini.

tribut han era ils solists ellas monduras cotschnas elegantas imponiu.

La cumbinaziun dat tempra

«La cumbinaziun dalla musica classica

culla musica militara duei allontanar obstachels», ha Armin Caduff detg la sonda avon il secund concert ell'Engiadina Bassa. Biars hagian visitau il concert pervia da La Compagnia Rossini e fatg persenn che la musica militara seigi era grondiusa ni il cuntrari. «A Mustér han personas plidentau mei che havevan aunc mai visitau nossas presentaziuns. Culla collavuraziun havein nus giu l'intenziun da crear ina punt, quei para dad esser gartegiäu.»

Suenther «Don't let the sun go down on me», ina cumposiziun bunamein classica da Elton John, ha *Anica Defuns* cantau ord la Traviata da Giuseppe Verdi e suenter il «Bel conforto» dalla «Mondscheinsonate» da Ludwig van Beethoven cun solis da *Maria Catrina* ed Armin Caduff, ha «Flyin' to the Skies» cun musica da Christoph Walter e text d'Armin Caduff terminau l'emprema part dil concert. Ils differents stils ein vegni acceptai sco caussa evidenta. Cul concert comunabel ein pilver entgins obstachels

che han spartiu musica classica dalla musica leva vegni allontanai.

Senza moviment

Als visitaders dils concerts da La Compagnia Rossini ha enzatgei muncau: «Nus havein cantau senza moviment, senza coreografia. Quei ei buca usitau», ha Armin Caduff manegiaü. Silla tribuna ella halla da tennis ei quei era buca stau pusseivel. Il cant e la musica ein vegni rinforzai cun agid dalla tecnica. «Ina halla gronda cun buna acustica ei grev d'anflar en Surselva», ha il maestro da Danis manegiaü. Ella baselgia evangelica a Scuol ha La Compagnia cantau senza agid dils microfons. «Pigl auditori ei quei empau different», ha Armin Caduff manegiaü.

Il concert a Mustér han varga 900 personas visitau. «Nus eran empau nervus», ha Caduff concediu. Suenther la reclama fatga havevi el quintau cun in grond auditori, la sala plena seigi sco in ferm applaus.

reclama



Eine saubere Sache.

Für den Abschluss einer Hypothek schenken wir Ihnen die Erstreinigung für Ihr neues Zuhause im Wert von CHF 1 000.-.

Freuen Sie sich ganz auf Ihr neues Heim. Fordern Sie bis zum 31. Mai 2006 Ihre individuelle Hypothekerofferte an. Tel. +41 (0)81 256 96 01.

Gemeinsam wachsen. www.gkb.ch/hypothesen

 Graubündner Kantonalbank

*Geldmarkt-Hypothek, Laufzeit 3 Jahre, gültig am 20. Februar 2006